

上清靈寶大法卷之二十

彩二

登齋科範品

表白開啓高功齋官
上香拜

臣聞因言而宣意祈精禱之潛通寓物以將誠冀清熏而上格普聞三界上叩重霄道香德香無爲香無爲清淨香清淨自然香妙洞真香靈寶慧香超三界香三境真香恭謹焚香奏登供養

虛無自然元始天尊上清真境洞玄靈寶天尊太清仙境洞神道德天尊昊天玉皇上帝紫微北極大帝勾陳星宮天皇大帝后土皇地祇東極青宮太乙救苦天尊東華上相木公青童道君南極長生大帝白玉龜臺九靈太真金母元君九天上帝五老天君三十二天上帝五福十神太乙天君上清十一曜星君中天北斗九皇星君南斗六司星君四方二十八宿星君天地水三官大帝北極四聖真君玄中大法師正一靜應真君太極左宮仙翁冲應真君九州都仙太史神功妙濟真

君靈寶經籍度三師真君三天門下泰玄都省主宰高真上清天樞院聖衆三洞四輔經籙法中高真上聖周天三百六十五躔度星真三元唐葛周三真君風雲雷雨電主執聖衆地府玄天北陰鄴都大帝水府東霞扶桑大帝五嶽五天聖帝五嶽佐命真君地府玄

天主者十官真君鬼官聖衆四明真公鄴都宮洞曹僚聖衆洞天福地名山靖治主錄仙真水府賜咎神王九江水帝四海龍王三河主宰四瀆源王蓬萊都水使者十二溪女仙真陰境飛雷電史國朝祀典聖衆州縣城隍主者九州社令神君黃泉蒿里夫人靈寶官屬法籙中靈官將吏三界官屬一切威靈悉仗真香普同供養香乃玉華散景九炁凝烟香雲密羅徑衝九天當願侍香金童傳言玉女傳臣啓奏上開帝前令臣所啓咸乞如言以今開建道場恭崇法席奉爲鄉貫某人伏爲亡過某生於某年某月某日某時受生不幸於某年某月某日身亡今經幾時謹投靈寶法籙弟子某就某處崇建

靈寶黃籙大齋其日夜燒香然燈朝真行道告行符命攝召魂儀轉誦真經施食普度先伸上祝祖宗神御社稷尊靈騰景九清升神十極今

上皇帝秉乾繼聖法道體天延壽曆以無疆綿皇圖而未莫寰區昭泰邊鄙謐寧兆民未樂豐登萬物不生疵癘三塗苦趣停誦役以清閑十類沉魂脫拘迷而昇度集茲善果無上良因專爲齋主資薦亡過未濟滌愆非解除冤對越神北府鍊魄南宮回保家門同增亨利以今玄壇崇建齋事將陳次第開行先伸啓告伏願萬靈垂鑒衆聖流光俾功德之圓成庶顯幽之利濟願頌報應拱俟感通拜手清場開行法事

次分燈

先然一燈於玉清天尊前或就壇上別於三寶前舊式並合用陽燧俟日正中取太陽之火以然玉清前燭高功却以分燈慧光符然作紙燈執在手中仍請道衆兩員各執符燭於高功本位左右侍立高功長

跪奏啓畢方進上帝前以紙燭請光在手
回本位祝白却分與二侍者以次散點此
所謂請光也近有人於道場內並不燃燭
高功却先明一燃於手中方行奏啓乃以
燈付侍者祝白詣上帝前點之如此則是
進燈於帝所非自道前而請光矣理大不
通其立說亦有碍茲故及之

分燈儀 高功回本位
長跪奏啓

具位臣姓某再拜上啓

虛無自然元始天尊上清真境洞玄靈寶天
尊太清仙境洞神道德天尊恭望慈憐俯垂
省錄巨闡九極雲霄之上昭融不問於晨昏
二儀寰宇之中顯晦遠分於晝夜陽輝潛耀
世尚溟濛陰氣凝根境尤幽昧是以繼明西
日真科莫重於然燈接景北都流宥實先於
破暗敢祈慈憐曲允奏陳伏念臣委靡凡資
塵容陋品雖幸聯於班列久未積於功勤固
當退自省循豈敢進而請禱蓋以法先濟物
教在利人况受誠詞難抑來悃巨據人意已
行錄奏於高穹茲合恭開於法席蘭膏繼夜

先祈輝散於一壇靈耀燭幽所冀恩周於三
界願頌生炁曲拯沉迷恭望道慈俯垂玄應
臣干冒道威不勝戰慄待罪之至誠惶誠恐
稽首頓首謹言

表白舉

十方靈寶天尊

高功進入三寶前如在道場內則入

玉清元始天尊前

臣聞道運莫窮隨機而示應天輝無外寓物
以流光是敬仰叩重玄冒聞霄極恭望特撫
大宥曲煥深仁矜此凡忱錄茲丹切玉清宸
闕錫道炁以頌恩清微天中布生津而育物
容臣請命許以分光煥六極而惠十方昭萬
天而輝九地臣俯躬持念以俟流恩
元始一炁演化敷光 空洞混合 幽寥延康
苦魂九夜 乘晨希陽 惡根應化 合精桃康
萬真順諾 生炁汪洋

知聲舉

三清無上天尊 高功存
念如式

以符燃於玉清前點之請光入手退本位

執燭燃於左手道泉二負各執一未燃紙
燃於高功左手右立

高功再白

臣聞混洞一元一生二而為體凝澄二炁二
肇三以為宗天地萬形乃成乃立陰陽品物
以育以生孕此靈樞莫非祖炁是用歸誠及
本請炁分禪伏願自一分三並三晨之明耀
由三及萬流九極之生津體大道生物之神
功結元始闢天之妙化天上地下永居不夜
之鄉人世幽都悉變純陽之境存亡被福隱
顯蒙恩

高功以燈分點左右二燭皆然三人執燭

燈並立宣呪

赤明闢圖 運度自然 闢明三景 億劫之先
今日大願 沉魂受鍊 重昏幽暗 永閉寒泉
欲請慧光 照燭冥關 冰池溫和 爐炭息焰
刀山劔樹 永斷攀緣 回光十方 照耀諸天
和消五累 業除勾連 三晨同輝 永劫元元
開光童子 承恩上仙 三光玉女 請如斯言

高功密呪

道生一一生二生三三生萬物普燭幽沉
臣請燕分輝曲承道蔭流祥錫慶上煥天休
清衆同誠迺然燈燭

二侍者各持燭分典道衆過點壇席周足
却以諸燈聚於玉清前燒之

臣謹按冲科仰祈玄佑請光布耀煥暗燭幽
伏願大道高尊玄穹上聖普覃靈蔭大霑慈
休昭映十方顯明三界人消痼癘魂脫幽沉
十類遷升群生寧泰為上因緣念
十方靈寶天尊不可思議功德

分燈儀近世於上帝前請光之後再詣天
師前啓祝宣飄飄帝師駕五列玄上門九
光騰煥耀三界普光明金符書玉簡鎮響
出虛聞太微回黃旗無英命靈攝攝召長
夜府開度受生魂此乃是路真官玉堂齋
法所用之格洞神正一之崇應行事悉以
天師為主與古齋靈寶本科不同後之洞
玄法師奉行古法乃亦取此祝雜入其中
或再詣師前分光悉為失格兼齋法自有
宗本不可混同輕用兼靈寶舊法中只有

赤明開圖運度自然呪一段而已今於此
呪外增入元始一炁演化敷光呪乃是祝
請之辭已出於詳審矣自上帝前而再回
師前之禮誠不可增將氏立成儀分燈又
添一呪曰九陽玉清三光道明洞玄靈寶

古法中不用今合隨宗派不敢泛取續增
矣蓋請光之儀以陽燧對日火光然一燭
於玉清前然後高功致詞再拜進前請光
在手回本位分與二侍者以次散點是請
之於大道也而浙東有數郡却亦先點一
燈在高功手中長跪致詞道衆却受之以
進入三清天尊前遂位宣白文點之方行
分光如此則是高功進燈光於
上帝前非請慧光以燭三界也理大不通
故今止從舊格

金鐘玉磬儀

臣聞真文隱妙藏萬化而莫形空洞生神筆
一靈而有象是以五篇敷落三洞弘開道之
教也既彰教之儀而大備惟典則之具列故
制度之聿陳取法陰陽金主剛而玉貴潤配

合天地鐘應上而磬徹幽况齋盟已達於瑤
宮衆聖將臨於寶席整嚴班列遙瞻仙馭於
虛徐振肅規儀仰睇粹容於霄霧故即器而
陳禮異以聲而感神虎躍龍騰瑞氣充盈於
法界鸞翔鳳翥靈風鼓振於珂奇肝豐交通
斯須感格臣等束躬請命拜手投誠存濟靈
威不勝寒悚

振金鐘二十五聲

伏以崇體弘聲範澤金而定質懸角降象振
鈺銓以成音配陽德而上昭肅玄綱而悉舉
上極無上隨梵響以凌空真中之真決靈輝
而布社召陽神呪恭對敷宣
元範恢漠 九霞映空 丹靈顯著 五緯交通
真陽激切 韻合玄宮 元始徘徊 群仙敬從
萬炁齊仙 隱微降衷 道生自然 變化無窮

擊玉磬三十下

伏以淨材潤質惟清緩以揚音廣古修端以
偈方而示象法坤體鎮感陰會靈逸響琳琅
密格四維之表精衷昭徹潛通六極之幽均
五炁以冥和集五靈而允鑒召陰神呪恭對

11.031.1.4.120000

披宣

高上太虛 瓊宮紫房 玄壇利器 玉磬琳琅
霞霄振舉 乾坤合張 陰生梵唱 流演元綱
慶雲生門 升度沉亡 克成高仙 永處福鄉

鐘磬交擊三十六下

伏以陰召陽凝妙用潛於閎測金鐘玉磬清
韻徹於無窮雖坎實以離虛乃水升而火降
感激之道自然而然應和之功當舉而舉則
剛柔而製器調音律以迎禧鳴厥磬鐘格于
上下達靈神呪恭對披宣

混合二炁 表陰著陽 金和動瑞 玉潤靜昌
交感上下 格子十方 杳振玄宮 環佩鏘揚
靈符所告 嚴肅壇場 秘範重宣 萬神開張

振金鐘九聲 擊玉磬六下

伏以乾蓋上浮坤輿下奠森羅萬象杳冥莫
接於形嚴周回十方磅礴難窮於境域然潔
齋以事帝豈高下之散殊惟至誠以感神宜
天人之相際茲以壇場將肅鐘磬交鳴韻奏
鈞天鬢鬢神遊於帝所音高梵唱依稀境類
於玄都益勵衆誠同行讚詠

次舉法事旋遠出壇引高功入靖勅水道
衆在壇續之預請有威儀道士一人行禁
壇法事

禁壇儀

存三師在西存絳衣真官秉斗而下水五

劍安于地戶上上香啓白

具位臣姓某誠惶誠恐稽首頓首再拜上啓
聖位臣聞一炁之初運陰陽而立極二儀之
始肇清濁以開天既育群生爰彰衆化是以
五篇敷落稟爲經籍之宗三洞宣行大啓教

科之緒保制劫運鎮奠乾坤福國康時下禳
毒害拔幽濟顯普度天人臣等幻偽結形昏
庸受質幸被正真之化獲聯道法之階未能
欲已以潛蹤僭欲宣勞而効職騰詞列款達
凡世之請祈設醮修齋闡虛皇之典格深知

越分惟冀垂恩敢陳迫切之情上瀆穹高之
聽臣等謹據入志其諸誠悃具載章詞臣等
祇按明科恭開法席九清道境祈一念之感
通三界真司願衆靈之鑒映蓋以卑凡之域
無非塵俗之區是恐厭汚之妄于或致凶邪

之未斥惟假天輝之決庶令妖侵之消伏願
上帝高尊俯矜奏啓天真大聖曲省辭陳特
勅有司給遺官將注靈光於法水寓威耀於
神鋒五炁氤氳水從呪而蕩祛氛穢七星煥
爛劍隨罡而殄滅魔精十方肅清萬神侍衛
號令頒而無遠弗屆詞章達而有威皆通臣
謹復簡存神拱俟天恩報應臣某誠惶誠恐
稽首頓首再拜謹言

次復簡瞑目左手上帝訣右手劍訣次握

固於腸下存想三步九跡居四靈

青帝分靈聚真震位修體千尋蒼鱗呈瑞質
肇青龍降兇掃穢來立吾左

赤帝分靈離宮聚炁晶瑩丹彩璀璨赤趨形
現朱雀焚滅妖異來立吾前

白帝分靈凝真於兌皓姿素質乳動天籟厥
狀白虎誅邪剪怪來立吾右

黑帝分靈坎宮育質丹蛇蒼龜陰陽配合是
名玄武鎮肅壇界來立吾後

四靈將軍隨召速臨稟勅受命電掣風奔
次近案前就水劍白仍取水劍在手

夫劍乃宣威而布令水能蕩濁以流清况誦
呪召靈存神請炁故得精邪滅跡厭穢消蹤
恭按沖科顯宣天令

次以劍橫水盂上取炁

謹請東方青天魔王降真炁入巨水

謹請南方赤天魔王降真炁入巨水

謹請西方白天魔王降真炁入巨水

謹請北方黑天魔王降真炁入巨水

謹請中央黃天魔王降真炁入巨水

五帝大魔王神之宗麾幢鼓節遊觀太空自

號赫奕諸天齊功各降真炁入巨水中臣恭

奉宣上帝勅

吾之劍足清水火體法乾坤堅剛屬百鍊之

鋒雪刃涵七星之象指天而妖星殞晦召雷

而紫電飛騰吾今仗握叱妖氛三界鬼神皆

指攝一揮萬里總澄清地境邪精俱絕滅

嚶水一口

吾之水止流隨勢凝泮以時地六成潤下之

功天一生至奈之性渙兩露而發生無外變

霜雪而肅殺有常吾今用以滌壇場普召五

天鐘正炁一嚶六極俱無塵地土緬平成碧

玉

嚶水一口

次念天蓬呪嚶水一口

次誦呪行至東方結界

謹請東方無極靈寶官屬飛天神王使者吏

兵淨空而來降臨壇所行神布炁搜索邪精

驅除鬼賊有罪無赦吾從地戶結界至東方

急急如律令

謹請南方無極靈寶官屬飛天神王使者吏

兵淨空而來降臨壇所行神布炁搜索邪精

焚燒鬼賊有罪無赦吾從東方結界至南方

急急如律令

謹請西方無極靈寶官屬飛天神王使者吏

兵淨空而來降臨壇所行神布炁搜索邪精

誅斬鬼賊有罪無赦吾從南方結界至西方

急急如律令

謹請北方無極靈寶官屬飛天神王使者吏

兵淨空而來降臨壇所行神布炁搜索邪精

飄蕩鬼賊有罪無赦吾從西方結界至北方

急急如律令

謹請中央無極靈寶官屬飛天神王使者吏

兵淨空而來降臨壇所行神布炁搜索邪精

埋藏鬼賊有罪無赦吾從北方結界至中央

急急如律令

次橫劍水上召兵馬

謹請天僊兵馬地僊兵馬飛僊兵馬真人兵

馬神人兵馬日月星宿兵馬九宮五帝兵馬

三河四海兵馬五嶽四瀆兵馬城隍社令兵

馬列陣於壇場內外守衛壇界如有伏屍故

炁土木石精於道不順者收付魁罡之下入

地千丈無動無作急急如律令

次至鬼門以劍劃地書鬼字卓劍掃鬼心

誦呪嚶地收劍

九天有命普告萬靈促召天真俱會帝庭太

一下觀雙皇翊形鑒察禦邪理炁攝生若有

不祥干試神明青帝之道勅整神兵七神秉

越天鋒右征揮劍前驅煥擲火鈴激命甲騎

虎率天丁風火齊戮伐邪絞精上威六天下

攝魔靈既威既攝萬兇滅形神戈電掃姦邪

母生仙皇東節有命敢停拒節違命是誅是刑各敬各謹保茲黃寧九天誥命萬神敬聽急急如上帝律令

次運本位復水切再執簡稽首而退

次升壇宿啓行事各如本科出靖室詣師

幕一應節次並見黃錄次序三十五品其

宿啓建齋科書並在廣成先生科內更不

重叙所有登壇存想出入戶高功作焚

符密况等訣並已詳載於臨壇符法第四

十二品外登齋之科悉見於此矣

上清靈寶大法卷之二十

上清靈寶大法卷之二十一

彩三

洞玄靈寶法師兩曹儀法者權重初府君編錄各編

臨壇符法品

凡開建齋壇於正奏之前或十日七日内

先青繒硃書降真召靈二符並立位列備

香火燈燭淨茶時果供養法師旦夕上香

持誦中篇精祝符使或用操牌開刻符形


供養亦可登壇朝謁攝召鍊度請神召符並

篆二符先燒然後行事並用靈寶大法司印

降真符



召靈符



右二符硃書青繒上以香花祭二符使者

七日之外可降千真檄召萬靈如黃錄大齋建壇及追魂鍊度之時朱書黃素燒灰吹布十方千真萬靈俱集壇所所感玄通學不篤信五嶽試人大齋無此符文則真靈不降徒勞施用鍊度追攝無此則三官拘執無顯應也

凡建壇洞視以二符為首乃九天太霞神文祕於玄宮不傳下世有泄此道魂沉社府永無仙莫

三晨慧光符



右用黃紙九寸闊三寸硃書三道香上薰

過符指玉帝訣存元始天尊降流慧光下

陟符中請光之時燃作紙燭高功與道眾

共三人各執其一高功請光入手復本位

却分與左右二道眾以次散點之

早入戶呪